

Ո Ր Ո Շ ՈՒ Մ

Ճանապարհային ոստիկանության վարչական իրավախախտման վերաբերյալ գործով
14.03.2021թ. կայացված ԱՖ604457 որոշումն անփոփոխ, իսկ վարչական բողոքն առանց
բավարարման թողնելու մասին

<<20>> 04 2021թ. 7-13- 6393

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս,
վերանայելով Նահապետ Շահբազյանի ՄԴ/29626-21 դիմումի քննարկման արդյունքում
ստեղծված նյութերը՝

Պ Ա Ր Զ Ե Ց Ի

Երևան քաղաքի, Արշակունյաց պողոտայի, 52/3-րդ շենքի 33-րդ բնակարանի բնակիչ
Նահապետ Շահբազյանը դիմումով խնդրել է բեկանել Ճանապարհային ոստիկանության
վարչական իրավախախտման վերաբերյալ գործով 14.03.2021թ. կայացված ԱՖ604457 որոշումը՝
նշելով, որ համաձայն չէ որոշմամբ արձանագրված իրավախախտման հետ: Միաժամանակ
հեռախոսակապի միջոցով հայտնել է, որ դիմումին ավելացնելու ոչինչ չունի, խնդրել է դիմումը
քննարկել առանց իր մասնակցության և արդյունքների մասին տալ գրավոր պատասխան:

Դիմումի քննարկման արդյունքում պարզվել է, որ վարչական իրավախախտման վերաբերյալ
գործով 14.03.2021թ. կայացված ԱՖ604457 որոշումը ենթակա է կատարման հետևյալ
պատճառաբանությամբ.

<< կառավարության <<Ճանապարհային երթևեկության կանոնները և տրանսպորտային
միջոցների շահագործումն արգելող անսարքությունների ու պայմանների ցանկը սահմանելու
մասին>> 28.06.2007թ. թիվ 955-Ն որոշման 77-րդ կետի 1-ին ենթակետի համաձայն վազանցն
արգելվում է **խաչմերուկներում**.

Վարչական իրավախախտումների վերաբերյալ << օրենսգրքի 124-րդ հոդվածի 8-րդ մասի
համաձայն՝ տրանսպորտային միջոցների վարորդների կողմից վազանցի կանոնները խախտելը՝
առաջացնում է տուգանքի նշանակում՝ սահմանված նվազագույն աշխատավարձի հնգապատիկի
չափով:

Ուսումնասիրությամբ պարզվել է, որ 14.03.2021թ. ժամը 17:20-ի սահմաններում Երևան-
Գյումրի M 1 ճանապարհի Աշնակ գյուղի խաչմերուկի հատվածում դիմումատուի վարած
<<MERCEDES>> մակնիշի 36FG937 հաշվառման համարանիշի ավտոմոբիլը կանգնեցվել է
Ճանապարհային ոստիկանության ՃՊԾ 2-րդ սպայական գումարտակի 2-րդ սպայական վաշտի
1-ին սպայական դասակի տեսուչ, ոստիկանության ավագ լեյտենանտ Ի.Դարբինյանի և նույն
դասակի տեսուչ, ոստիկանության ավագ լեյտենանտ Է.Մելքոնյանի կողմից՝ << կառավարության
<<Ճանապարհային երթևեկության կանոնները և տրանսպորտային միջոցների շահագործումն
արգելող անսարքությունների ու պայմանների ցանկը սահմանելու մասին>> 28.06.2007թ. թիվ
955-Ն որոշման 77-րդ կետի 1-ին ենթակետի պահանջը խախտելու համար, այն է՝ վարորդը
վազանց է կատարել խաչմերուկում: Վարչական իրավախախտումների վերաբերյալ <<
օրենսգրքի 124-րդ հոդվածի 8-րդ մասով կայացվել է վարչական իրավախախտման վերաբերյալ
գործով ԱՖ604457 որոշումը:

Ճանապարհային ոստիկանության ծառայողների կողմից տրված պարզաբանման
համաձայն՝ դիմումատուի կողմից կատարված իրավախախտումը հիմնավորող՝ տեխնիկական

միջոցների կիրառմամբ ձեռք բերված ապացույցներ առկա չեն, սակայն իրավախախտումն եղել է անմիջապես իրենց տեսադաշտում, ակնհայտ և պարզ տեսանելի, ինչի կապակցությամբ կազմվել է համապատասխան արձանագրություն և կայացվել ԱՖ604457 որոշումը: Միաժամանակ ոստիկանության ծառայողները հայտնել են, որ իրենց և վարորդի միջև ծառայողական բնույթի խոսակցություններից բացի այլ խոսակցություններ չեն եղել:

<<Ճանապարհային երթևեկության անվտանգության ապահովման մասին>> օրենքի 17-րդ հոդվածի 1-ին մասի <<ա>> կետի համաձայն՝ Ճանապարհային ոստիկանության ծառայողը պարտավոր է տրանսպորտային միջոցը կանգնեցնել, եթե **ակնհայտ** կամ տեխնիկական միջոցների օգտագործմամբ **երևում է, որ վարորդը խախտել է ճանապարհային երթևեկության կանոնների պահանջները**: Նույն հոդվածի 8-րդ մասի համաձայն՝ երթևեկության սահմանված արագության գերազանցման և տրանսպորտային միջոցների ապակիների լուսաթափանցելիության սահմանված չափի խախտումների համար պատասխանատվություն է առաջանում, երբ տվյալ խախտումը փաստարկված է համապատասխան տեխնիկական միջոցների կիրառմամբ:

Այսպիսով, դիմումատուի արարքում առկա են Վարչական իրավախախտումների վերաբերյալ << օրենսգրքի 124-րդ հոդվածի 8-րդ մասի հատկանիշները, ուստի ելնելով վերոգրյալից և ղեկավարվելով Վարչական իրավախախտումների վերաբերյալ << օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական իրավախախտման վերաբերյալ գործով 14.03.2021թ. կայացված ԱՖ604457 որոշումը թողնել անփոփոխ, իսկ վարչական բողոքն առանց բավարարման:
2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել << վարչական դատարան օրենքով սահմանված կարգով և ժամկետներում:
3. Սույն որոշման օրինակն ուղարկել Նահապետ Շահբազյանին և Ճանապարհային ոստիկանության ՃՊԾ 2-րդ սպայական գումարտակ:



Ե. Կարապետյան